



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

Approbatio

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

## APPROBATIO I.

Rmi D. Güntheri Abbatis Erffurtensis.

Cum Liber, cui titulus, *Poesis sacra*, de vita, morte & resurrectione Domini & Salvatoris nostri Jesu Christi, à Perillustri Clarissimo ac Consultissimo Domino, Domino J. H. de Hermanni, Camerae Aulicae Elector. Coloniensis in Episcopatu Hildesienfi quondam Directore &c. non minus doctè quàm devotè & affectuosè, dum viveret, elaboratus, non solum ab omni haereticae pravitate labe, & morum inhonestate remotissimus existat, verum etiam per piissimos in omni fermè Inductione insertos abundantissimè affectus ad conversionem morum, compunctionem cordis, devotionem & charitatem quàm plurimum exstimulet; hinc dignissimus reputatur, qui ad multorum spiritualem aedificationem & utilitatem typis mandetur. Ità censet ex Regal. Abbat. S. Petri Erffurti die 29. Sept. 1740

GÜNTHERUS ABBAS

Regal. Monast. ad S. Petrum Ord. D. Ben. Prepositurae Zellenfis ad Werrham & in Franckenroda Dominus, SS. Theolog. Doct. Sacrae ejusdem Fac. in Univ. Erford. Assessor Prim. & p. t. Decanus.

## APPROBATIO II.

*Sacram Poesin*, quâ vitam, mortem, & resurrectionem Domini Jesu Christi Salvatoris nostri Perillustri ac Consultissimus Dominus J. H. de Hermanni, Camerae Aulicae Elector. Coloniensis in Episcopatu Hildesienfi Director p. m., inoffensis Romano-Catholicae fidei principiis, nitidissimè illustravit, typis dignissimam & utilissimam esse censeo. Dabam Erffurti die 30. Octob. 1740.

JO. DANIEL RICHARDUS SPOENLA,

AA. LL. & Philosoph. Magister, SS. Theolog. Doct. Sacrae Facultatis Assessor, Prof. publ. ord. Archi-Episcop. judicii Eccles. Assessor, Eccles. Colleg. ad S. Severum Canon. Capit. & Scholasticus ac p. t. Univ. Erfordiensis Rector.

APPRO-

### APPROBATIO III.

Opus posthumum in quinque partes divisum, & *Poesis sacra* intitulatum, à Perillustri ac Consultissimo Domino J. H. de Hermanni, Camerae Aulicæ Elector. Coloniensis in Episcopatu Hildesienfi (cùm viveret) Directore, pereleganti & fluido metro Heroico, styloque claro, devoto, jucundo, ac piè curioso conscriptum, attentè legi, & accuratè revidi; & quia cum speciali gustu adverti, benefactum opus ob excellentissimam, quam tractat, materiam, & pulchram ejus deductionem, *de vita, morte, & resurrectione Domini & Salvatoris nostri Jesu Christi*, pro usu devotarum meditationum nemini non in veritate placiturum, imò jam Cœleste gaudium, mox spirituale solatium, jam pium ad omnes ferè virtutes ordinis supernaturalis affectum, mox filialem amorem, vel compassionem dolorem *Jesu Salvatoris nostri*, cordibus legentium accommodè instillaturum, insuper cùm in toto hoc opere metrico nihil reperiat, quod orthodoxæ Religionis principiis, S. Matris Ecclesiæ sanctionibus, SS. Patrum doctrinæ morumque regulis adverfetur; proinde non possum non ore & calamo contestari, opus illud posthumum, quinquepartitum, esse per prelum publicam luce dignissimum, omnibus sacro, jucundo vel piè curioso poemate oblectantibus utilissimum, ipsi verò Perillustri ac Consultissimo Authori p. m. maximopere gloriosum; & hoc est votum meum, hic sensus meus, hoc suffragium meum, quod libenter appono die 20, 7bris Anni 1740.

JOSEPHUS STIEFKEN,

Regal. Abbat. Ord. S. Bened. Effurti in monte  
S. Petri professor & Capitul. Sen. SS. Theol.  
log. Doct. Assess. Prof. publ. ord Sac. Facult.  
& Univerf. Subfen. nec non Proto-Notar.  
Apostol.

1740

APPRO-

## APPROBATIO IV.

Cùm præsens *sacra Poëseos* elucubratio Servatoris nostri Jesu Christi vitam, doctrinam, passionem, mortem ac resurrectionem egregiâ, planèque admirabili elegantia exprimat, sive amœnam calami felicitatem, sive pia animæ Christianæ desideria, gemitus, & suspiria spectes; hinc eam dignissimam judico, ut ad perennem Perillustris Autoris sui memoriam; atque ad Camerae Aulicæ Elector. Colon. Hildesienfis, cui per complures annos maxima cum laude, ac gloria nominis sui quâ Director præfuit, immortale decus; omnium verò legentium ingentem utilitatem, ac pietatis inde hauriendæ eximium fructum, publicam lucem aspiciat. Hildesii 1743. die 12. Januar.

ANTONIUS RÜTING, Soc. Jes.  
SStæ Theologiæ Doctor & Profess.  
ord.

*mpp.*

## APPROBATIO V.

Si quò minùs Caystrius aut Mæandrius ales, ut Naturæ mystæ de eo enuntiant, Plinio refragante; at Hildesinus certè Olor funeri suo proximus suavem edidit cantum, dum pia mem. Perillustris Dominus de Hermanni (Titul ut supra) in vitæ suæ termino constitutus *sacram* suam *Poësin* de tota Salvatoris nostri Jesu Christi historia carmine Heroico elucubavit; opus posthumum; cujus operis argumento nullum sub Cælo præstantius potuit inveniri: illudque patheticis miscet affectibus, gravique ac eleganti stylo exequitur; salutaremque Christi passionem, ceu medicinam amaram, à qua infirmus intellectus humanus naturaliter abhorret, metricâ suavitate\* dulcorat, mentemque piè allectat: ut meritò in D. Authorem illud quadret: *Omne tulit punctum, qui miscuit utile dulci.* Quapropter, cum & meum exile iudicium hoc super opere requiri placitum fuerit, opus illud prelo dignissimum & pio cuivis lectori meritò commendandum censeo, Hildesii die 20. Febr. 1743.

\* *Prov.* 27. 9.

P. ANGELUS FLÖRCHEN,  
Ordin. S. Bened. ad S. Michaël.  
profess. Theolog. emerit.